

Mahathir gesa seluruh dunia sokong Palestine

KUALA LUMPUR 29 Nov. —

Datuk Sri

30 NOV 1979

Mahathir Mohamad hari ini menggesa seluruh dunia yang mempercayai hak asasi manusia supaya menyokong perjuangan pembebasan rakyat Palestine.

Timbalan Perdana Menteri berkata perjuangan rakyat Palestine untuk menebus bumi mereka dari dijajah oleh fahaman zionisme adalah halal dari segi piagam Bangsa-Bangsa Bersatu.

Berucap di majlis sambutan hari perpaduan sedunia dengan hak-hak rakyat Arab Palestine di Universiti Malaya Datuk Sri Dr. Mahathir mensifatkan perjuangan membebaskan Palestine adalah satu makna yang besar bagi orang-orang Islam terutamanya untuk membebaskan Baitulmuqaddis.

Sikap

Beliau mengulangi si-

kap Malaysia yang tegas mengakui perwakilan PLO dan mempercayai PLO adalah wakil mutlak rakyat Palestine," dan itulah sebabnya kita memberi tempat kepada mereka menubuhkan pejabatnya di sini," tegasnya.

Malaysia tambahnya, akan memberi bantuan yang mampu diberikan untuk menyokong perjuangan rakyat Arab Palestine bagi menuntut hak mutlak mereka dari dijajah oleh fahaman zionisme Yahudi.

Beliau berharap bukan sahaja negara Arab tapi seluruh dunia yang mempercayai hak asasi manusia supaya menyokong perjuangan pembebasan rakyat Palestine.

Datuk Sri Dr. Mahathir yang juga Timbalan Presiden UMNO Malaysia berkata dalam dunia antarabangsa bukan keadilan yang mendapat kemenangan — tetapi juga kekuatan.

"Oleh sebab itu, kita harus merenung jauh untuk melengkapkan kekuatan kita dalam semua aspek termasuk kekuatan ilmu pengetahuan yang lebih dari musuh kita," jelasnya.

Timbalan Perdana Menteri kesal dengan sikap setengah golongan yang kononnya tidak puashati dengan pendirian liberal telah menggunakan senjata untuk membunuh orang-orang Islam sendiri atas nama Islam seperti yang berlaku dengan pencerobohan Masjidil Haram baru-baru ini.

Turut hadir dalam perjumpaan itu ialah Menteri Luar, Tengku Ahmad Rithauddeen dan Pengerusi Majlis Duta-Duta Jamahiriyah Libya, Encik Mohd. Ramadan Mahmud.

Sebuah sajak berjudul 'Mustahil' dan 'Komando' telah juga dideklamasikan di majlis tersebut oleh beberapa orang tokoh antaranya Encik Firdaus Abdullah.